

**Uunga siunnersuut: Mittarfeqarfiit A/S pillugu Inatsisartut inatsisaat.**  
(Ineqarnermut Attaveqaasersuutinullu Naalakkersuisoq)

**Akissuteqaat**

(Ineqarnermut Attaveqaasersuutinullu Naalakkersuisoq)

**Pingajussaaneerpeqarnera**

Aallarniutigalugu Inatsisissatut siunnersuutip kalaallisuuani qallunaatuuanilu nikingasoqarnera pillugu ataatsimiititaliap erseqqissaateqarneranut qujaffigaara. Ataatsimiititaliap allannguutissatut siunnersuuteqarneratigut nikingassutaasut maanna iluarsineqassapput.

Sanaartornermut Ataatsimiititaliaq inatsisissatut siunnersuummut annerusumik oqaaseqaatissaqanngitsoq, taamaalillunilu siunnersuut tamakkiisumik tapersersoraa aamma maluginiarpara.

Inatsisartut kajumittumik suliamik suliaqarneratigut inatsisissatut siunnersuut maanna akuersissutigineqassasoq neriuutigaara. Taamaassappat Mittarfeqarfiit A/S-ip pilersinneqarnissaanut, nunamilu tamarmi ataqatigiinnermi periarfissatut sinaakkutit pitsaanerpaaffianiisikkumallugit, mittarfinnik ingerlatsinerup sapinngisamik eqaatsumik aqqissuunneqarnissaanik suliaasaq Naalakkersuisut ingerlaannaq aallartissavaat.

Taamatut oqaaseqarlunga Naalakkersuisut sinnerlugit inassutigaaara allannguutissatut siunnersuut saqqummiunneqartoq akuersissutigineqassasoq.